

Ma coul di ch' a sa ch' ariva,
 Oh che goi, oh che festin!
 Ai va ancontra con dij viva,
 Tut an gloria ant un sestin.
 Quand i veuje intrè ant la scufia
 A sti Preive, e fevie amis,
 Caressè coula bërnufia,
 Ch' a ramassa e cheui 'l mnis;
 I vedri (i digh pa busia,
 Bin la cosa com' a sta)
 A confondve d' cortesia,
 E stropieve d' onestà.
 I veui pa gnanca di ch' a sio
 Tuti quanti così gnoch,
 Ma cherdi pur tut lo ch' i v' dio,
 Ch' i m' falisso bin d' poch;
 L' è un bel seugn se tra cinquanta
 I na treuve doi o tre
 Ch' a sio nen d' l' istessa pianta,
 I giugria finna 'l prè.

Regole e Costituzioni

lasciate dal Successore di Giacomo Tros.

CANZONE XXXIII.

Com' Giaco Tros m' ha dame
 Pr soa cortesia
 La carica cumpia
 D' esse so successor;
 Pr vantageme 'l credit
 I veui fè tut me debit .

Da bon regulator,
 Da bon regulator.
 Pertant i son studiame,
 Fondà su l' esperiensa,
 A fè con diligensa
 Couste constitussion,
 E regole, ch' a son bonne
 A tuta sort d' personne
 Amie del pinton. 2
 Guardè bin d' osserveje,
 Perchè 'l bel prim ch' a manca,
 Ij la perdonno gnanca
 S' a m' deis un mes milion;
 Ma dlongh pr castighelo,
 I lo vedri sganfelo
 Dal rolo dij bronson. 2
 Chi veul esse me sudit,
 A venta ch' a copèta,
 Mai d'eva, nè d'acquèta,
 Ch' a parla gnanch d' loli;
 E vostra usansa sia
 D' andevne a l' ostaria
 Almanch ses volte al di. 2
 Empive, quand' i beive,
 La sanna sempre a randa,
 Bronsogna lo comanda
 Pr lege d' sanità;
 L' è privo ch' a podria,
 Bevendla nen paria,
 Empi d' ventosità. 2
 A j' è peui n' outra causa
 Ancor pi d' importansa,
 S' i mantenri st' usansa
 I smijrè peui tuit a mi,
 Acquistandve fin la siua

- D' gloria, onor e stima
 Fasend sempre cosi. \ 2
- I vostri fieui mneje
 An vostra compagnia
 Sovens a l' ostaria
 Pr deje educassion;
 Così poch a la vota
 J' anleve d' gent divota
 Dla doja e dl' amolon. 2
- I veui ch' i v' ambriache
 Set vote almanch pr smanna,
 Venta piè coust' andanna
 Com' a l' è convenient;
 A scusa pr fè vede
 A chi vorrà nen cherde
 Ch' i sè del regiment. 2
- Quand i sari malavi,
 Piè mai gnunna meisinna,
 Salvo i decot d' cantinna,
 S' i v' veule arpatinè;
 Lassè tuit ij Spessiari
 Con i so strafugari,
 Ch' a v' robo mach i dnè. 2
- Pieve guarda d' desgustè
 Gnun osto, nè obergista,
 Mincionè pa la rista,
 Coust l' è 'l cap principal;
 E d' chi mai i volive,
 S' a l' è peui mach pr dive,
 Fè pi capital? 2
- Prima d' buteve a beive,
 Guardè 'l vin e nufielo,
 E peui apres tastelo
 S' a l' ha bon savor;
 E s' i trovri ch' a sia

Una pouver squisia,
 Anlora feje onor. 2
 Sti vin ch' a venno da fora,
 Fërtevie pa gran cosa,
 D' vote una pcita dosa
 A stofia pi ch' un veul;
 Pr beive an abondansa
 Con tuta argioissansa
 Chitè pa 'l bon nebieul. 2
 Ascotè bin coust ordin,
 Ch' ades i vad a deve,
 Ste gent ch' a pio j' eve
 Stimeje pa un luvìn;
 E fè mach amicissia
 Con coui ch' j' avi notissia
 Ch' a son amis del vin. 2
 Mantnive sempre an grassia
 (Notè lo ch' i comando),
 E steme pa fè 'l brando
 Con i marcand da vin;
 E tnive a la bon' ora
 Con i brindor ancora,
 Ch' a son nostri cusin. 2
 Quand vostre fomne brajo
 Prchè ch' i v' ambriache,
 Venta pa ch' i v' atache
 Al cheur coule rason;
 Lasseje ch' a s' anrabbio,
 Ch' a pisto tant ch' a n' abio,
 Voi aïtri intant tni bon. 2
 S' un v' anviteis a beive,
 Usè mai ritrosia,
 Ch' a sia dont si sia,
 E guai a chi mancrà!
 Così mi veui ch' a s' fassa,

- S' a fuss bin s' una piassa,
O an mes d' una contrà. 2
- S' i sè anvità pr nosse,
O quaich outra bafrada,
Fè vede a la brigada
Tut lo ch' i savri fè;
S' ai fuss bin d' marca casse,
Venta pa nen ch' i lasse
La vostra part andrè. 2
- Lavè giamai con d' eva
Gnun amolon, nè sanne;
A m' fan vni le canne,
Certi sproposità,
Ch' a s' buto li a fërteje
Con l' eva, ch' a peul deje
Sent male qualità. 2
- Carieve mai d' fumele,
Nè fomne, nè matote,
Andand a le gargote,
Ch' a son mach d' ambaras;
Salvand ch' a sio d' coule
Ch' a auso bin le grole
Pr piè so bon sumias. 2
- Piè mai gnunne dossaine,
Ch' a guasto mach la boca,
L' è roba ch' un la toca
Bevend del vin pr dsor;
Pr spiritos ch' a sia
(I digh pa la busia),
A perd tut 'l savor. 2
- Sgureve mai con d' eva
(Marchè lo ch' i veui dive),
Nè i dent, nè le zanzive,
Pr nen piè quaich flussion,
La qual a pòdria feve

Gran pregiudissi, e deve
 Sul cheur e sui polmon. 2
 Sa sa avanti chi l'ha veuja
 D'intrè ant la mia brigada,
 Ai costa pa un bel vada,
 Pur ch'a sbeivassa bin;
 Ma pià parti ch'a l'abia,
 A seurt papi d'an gabia,
 Ecetuà ch'a tema 'l vin. 2
 Ste regole e ste legi
 Son pr comun vantagi,
 Fene tuit bon usagi
 An tute j'ocasion;
 E dnans furni i veui dive,
 Ch' i sapie mantnive
 Tavota an bonna union. 2

Le donne che vogliono
 il comando dispotico di casa.

CANZONE XXXIV.

Che servei fait a la granghia,
 Ch'a l'an mai, lassè ch' i dia,
 Certe done d'ogidi!
 J'an apenna maridaje,
 Ch' veulo lor portè le braje
 A la barba dij mari,
 A la barba dij mari. 2
 A fan subit le padrone,
 E boriose veulo impone,
 Comensand aussè la vos;
 E i mari s'a son garofo,